

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-54/18
Vareš, 28.03.2018. godine

Z A P I S N I K
sa 15. sjednice Općinskog vijeća Vareš,
održane 28.02. 2018. godine

Nikola Šimić – zamjenik predsjedavajućeg Općinskog vijeća Vareš, otvorio je 15. sjednicu s početkom u 15,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kevrić Đemo, Mario Marošević, Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

Odsutni: Kamenjaš Alma i Kamenjaš Kenan.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Čedomir Jelić i gosp. Rusmir Berberović, zamjenik općinskog pravobranilaštva – gosp. Damir Arnautović, ministar u Ze-do kantonu - gosp. Brkić Fahrudin, ispred Biroa za zapošljavanje Vareš – gosp. Jasna Svinčicki Operta, predstavnik OSCE-a - gosp. Daut Bajramović, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključku i odgovorima na postavljena vijećnička pitanja sa 14. sjednice OV održane 28.01.2018. godine. Na 14. sjednici OV donijelo je jedan (1) zaključak koji je realizovan. Postavljeno je dvanaest (12) vijećničkih pitanja. Na sva pitanja dostavljeni su pismeni odgovori podnosiocima vijećničkih pitanja i usmeni odgovor na sjednici od strane Općinskog načelnika.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne o redovnim aktivnostima organa uprave i aktivnostima koje se odnose na ponovni natječaj za prodaju rekreacionog centra „Doli“. O istom je dao pojašnjenje. Upoznao je prisutne sa eventualnim mogućnostima osposobljavanja rekreacionog centa „Doli“.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Elvir Rožajac

1. Molim gosp. ministra Fahrudina Brkića i nadležne općinske službe da ako je moguć poduzme se nešto po pitanju čišćenja regionalnog puta Breza – Vareš – Vijaka – Podkamensko? (o postavljenom pitanju dao je dodatno obrazloženje)
2. Postoji li mogućnost da se pomogne stanarima stambenih objekata K-4 u sanaciji krov zgrade?

Kruno Ridić

3. Planirate li gosp. Načelnice da u ovoj godini nešto konkretnije uradimo za one MZ koje nemaju domove kulture, koje jedan period u godini nemaju prevoz, koje nemaju trgovine za snabdijevanje i koji moraju itekako voditi računa kako da ekonomišu kako bi u ovoj zimskoj atmosferi preživjeli?
4. Planirate li gosp. Načelnice u drugoj godini Vašeg i našeg mandata da nešto konkretno uradite na putu od Odvojka do Bijelog Borja i Mira? (o postavljenom pitanju dao je dodatno obrazloženje)

Branko Romić

5. Kakva je budućnost ribarske kuće u Pajtov Hanu?
6. Koji su uslovi da mi okupimo naše sportiste i da Općina organizuje manifestaciju proglašenja sportiste godine? (o postavljenom pitanju dao je dodatno obrazloženje)

Safeta Muftić

7. Može li se iznaći rješenje da se uklone auta u ulici Put mira kako bi JKP d.o.o. Vareš moglo adekvatno izvršiti čišćenje ulice?
8. Može li se riješiti problem parkinga pored zgrade općine, kako bi se omogućilo parkiranje Centrotransovim autobusima? (o postavljenom pitanju dala je dodatno obrazloženje)

Dženan Džafro

9. Da li je moguće iznaći modus za blagovremeno uklanjanje predmetnih stabala iz korita rijeke Stavnje, angažmanom nadležnih organizacija ili angažmanom fizičkog lica koje je obučeno za ovakve zahvate? (o postavljenom pitanju dao je dodatno obrazloženje)

Đemo Kevrić

10. Molim Načelnika da putem inspektora za saobraćaj dođe u firmu koja vrši prevoz đaka na području općine Vareš i da izvrši uvid u ispravnost vozila?
11. Molim JKP d.o.o. Vareš da dovezu posipni materijal na sva kritična mjesta, na svim putevima gdje se vrši saobraćaj?

Mirnes Ajanović

12. Kako iznaći modus da ljudi koji su rođeni i žive u gradu apliciraju kroz neke poljoprivredne projekte, kako bi ostvarili poljoprivredni poticaj (plastenik)? (o postavljenom pitanju dao je dodatno obrazloženje)
13. Postavio je pitanje vijećnicima da se dogovore, da se izdvoji neki procenat od vijećničkih paušala za pomoć u liječenju Marina Divkovića?

Emir Islamović

14. Molim Općinskog načelnika da upozori vozače školskih autobusa da vode računa zimskoj opremi autobusa, kako ne bi rizikovali sigurnost putnika? (o postavljenom pitanju dao je dodatno obrazloženje)

Emir Islamović, pitanje identično kao i kod Đeme Kevrića vezano za Ljaljić turs, prethodno odgovoreno.

Općinski načelnik dao je usmene odgovore na postavljena vijećnička pitanja.

Vijećnik Kruno Riđić uputio je sugestiju da u skladu sa mogućnostima nadležni iznađu riješenje saniranja oštećene zaštitne ograde na dijelu puta kod Centralne radionice.

Ministar za prostorno uređenje, promet i komunikacije i zaštitu okoline u Ze-do kantonu gosp. Fahrudin Brkić obratio se Vijeću i u svom obraćanju upoznao prisutne o planiranim aktivnostima – radovima na regionalnom putu R 444.

Zamjenik predsjedavajućeg u svom obraćanju skrenuo je pažnju ministru da na više mjesta na regionalnom putu postoje oštećenja zaštitnih ograda, te je time ugrožen sigurnost saobraćaja i s tim u vezi predložio da Vijeće nadležnim u kantonu uputi dopis u kome bi se tražila sanacija zaštitnih ograda na regionalnom putu.

Zamjenik predsjedavajućeg OV stavio je na raspravu Zapisnik sa 14. sjednice OV.

Nije bilo primjedbi i zamjenik predsjedavajućeg OV stavio je na izjašnjavanje Zapisnik sa 14. sjednice OV i nakon izjašnjavanja vijećnika konstatuje da je **jednoglasno sa (15 glasova „ZA“)** (odsutni vijećnici Turki Fadila i Romić Branko) **usvojen Zapisnik sa 14. sjednice OV.**

Zamjenik predsjedavajućeg OV stavio je na raspravu prijedlog dnevnog reda za 15. sjednicu OV koji je usaglašen na Kolegiju Općinskog vijeća.

Nije bilo rasprave i zamjenik predsjedavajućeg OV stavio je na izjašnjanje prijedlog dnevnog reda 15. sjednice OV.

Nakon izjašnjanja vijećnika zamjenik predsjedavajućeg OV konstatuje da je **jednoglasno sa (16 glasova „ZA“)** (odsutan vijećnik Branko Romić) **usvojen sljedeći**

Dnevni red:

1. Izvještaj o radu Općinskog načelnika za 2017. godinu
- Izvjestilac: Općinski načelnik
2. Prijedlog Programa rada Općinskog načelnika za 2018. godinu
- Izvjestilac: Općinski načelnik
3. Prijedlog Odluke o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LULIĆ ENVERA – Stupni Do, Vareš.
- Izvjestilac: Ermin Musa
4. Prijedlog Odluke o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LIKIĆ FADILA – Stupni Do, Vareš.
- Izvjestilac: Ermin Musa
5. Prijedlog Rješenja o preuzimanju iz posjeda i korištenja neizgrađenog gradskog građevinskog zemljišta u naselju Dabravine, Vareš.
- Izvjestilac: Ermin Musa
6. Izvještaj o rješavanju upravnih stvari u upravnom postupku svih općinskih službi za upravu u 2017. Godini
- Izvjestilac: Čedomir Jelić
7. Izvještaj o provođenju Odluke o komunalnom redu općine Vareš u 2017. godini
- Izvjestilac: Ermin Musa
8. Informacija o projektima obnove stambenih objekata na području općine Vareš u 2017. godini
- Izvjestilac: Ermin Musa.
9. Informacija o stanju u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi
- Izvjestilac: Ermin Musa
10. Informacija o aktivnosti Općinskog načelnika po pitanju izmirenja duga Općine Vareš, a po rješenju Kantonalnog poreznog ureda Zenica
- Izvjestilac: Općinski načelnik
11. Informacija o provođenju strategije razvoja poljoprivredne proizvodnje na području Općine Vareš za period 2014-2018 godine za 2017. godinu
- Izvjestilac: Ermin Musa

12. Informacija o provođenju Strategije razvoja i unapređenja socijalne zaštite Općine Vareš za period 2014-2017. godina, za 2017. godinu
- Izvjestilac: Čedomir Jelić
13. Tekuća pitanja.

Ad. 1.

(Izveštaj o radu Općinskog načelnika za 2017. godinu.)

Otvorena je rasprava u kojoj su učestvovali vijećnik Kruno Riđić i Općinski načelnik koji je odgovorio na postavljena pitanja vijećnika u raspravi i dao dodatna pojašnjenja za ovu tačku dnevnog reda.

Zaključena je rasprava i zamjenik predsjedavajućeg OV stavio je na izjašnjanje Izveštaj o radu Općinskog načelnika za 2017. godinu.

Nakon izjašnjanja vijećnika zamjenik predsjedavajućeg OV konstatuje da je **jednoglasno (sa 17 glasova „ZA“) usvojen**

Izveštaj o radu Općinskog načelnika za 2017. godinu.

Ad. 2.

(Prijedlog Programa rada Općinskog načelnika za 2018. godinu.)

Općinski načelnik dao je dodatno pojašnjenje za ovu tačku dnevnog reda i u svom obraćanju naglasio da je Program samo okvirni dio i da će Općinski načelnik i organ uprave po ukazanoj potrebi realizovati i druge neplanirane aktivnosti u zavisnosti od ukazanih potreba.

Otvorena je rasprava u kojoj su svoje stavove i mišljenja iznijeli vijećnici: Branko Romić, Kruno Riđić, Elvir Rožajac, Mirnes Ajanović, Đemo Kevrić, Dženan Džafo i Općinski načelnik Zdravko Marošević koji je odgovorio na neka pitanja vijećnika postavljena u raspravi i dao dodatna pojašnjenja.

Zaključena je rasprava i zamjenik predsjedavajućeg OV stavio je na izjašnjanje Prijedlog Programa rada Općinskog načelnika za 2018. godinu.

Nakon izjašnjanja vijećnika zamjenik predsjedavajućeg OV konstatuje da je **jednoglasno (sa 17 glasova „ZA“) usvojen**

Program rada Općinskog načelnika za 2018. godinu.

Zamjenik predsjedavajućeg OV dao je pauzu u trajanju od 10 minuta.
Nastavljeno je sa radom današnje sjednice.

Ad.3.

(Prijedlog Odluke o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LULIĆ ENVERA – Stupni Do, Vareš.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjavanje Prijedlog Odluke o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LULIĆ ENVERA – Stupni Do, Vareš.

Nakon izjašnjavanja vijećnika zamjenik predsjedavajućeg OV konstatuje da je **jednoglasno (sa 15 glasova „ZA“)** (odsutni vijećnici Branko Romić i Ilhana Fatić) **glasa usvojena**

Odluka o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LULIĆ ENVERA – Stupni Do, Vareš.

Ad.4.

(Prijedlog Odluke o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LIKIĆ FADILA – Stupni Do, Vareš.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjavanje Prijedlog Odluke o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LIKIĆ FADILA – Stupni Do, Vareš.

Nakon izjašnjavanja vijećnika predsjedavajući OV konstatuje da je **jednoglasno (sa 15 glasova „ZA“)** (odsutni vijećnici Branko Romić i Ilhana Fatić) **glasa usvojena**

Odluka o prijenosu prava vlasništva na nekretninama Općine Vareš u korist lica nastradalog od klizišta u svrhu izgradnje individualnog stambenog objekta, za LIKIĆ FADILA – Stupni Do, Vareš.

Ad.5.

(Prijedlog Rješenja o preuzimanju iz posjeda i korištenja neizgrađenog gradskog građevinskog zemljišta u naselju Dabravine, Vareš.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjavanje Prijedlog Rješenja o preuzimanju iz posjeda i korištenja neizgrađenog gradskog građevinskog zemljišta u naselju Dabravine, Vareš.

Nakon izjašnjavanja vijećnika zamjenik predsjedavajućeg OV konstatuje da je **jednoglasno (sa 15 glasova „ZA“)** (odsutni vijećnici Branko Romić i Ilhana Fatić) **glasa usvojen**

***Rješenje o preuzimanju iz posjeda i korištenja
neizgrađenog gradskog građevinskog zemljišta u naselju Dabravine, Vareš.***

Ad.6.

*(Izveštaj o rješavanju upravnih stvari u
upravnom postupku svih općinskih službi za upravu u 2017. godini.)*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjavanje Izveštaj o rješavanju upravnih stvari u upravnom postupku svih općinskih službi za upravu u 2017. godini.

Nakon izjašnjavanja vijećnika predsjedavajući OV konstatuje da je **jednoglasno (sa 15 glasova „ZA“)** (odsutni vijećnici Branko Romić i Ilhana Fatić) **glasa usvojen**

***Izveštaj o rješavanju upravnih stvari u upravnom
postupku svih općinskih službi za upravu u 2017. godini***

Ad.7.

(Izveštaj o provođenju Odluke o komunalnom redu općine Vareš u 2017. godini.)

Otvorena je rasprava u kojoj su učestvovali vijećnici: Kruno Ridić (skrenuo pažnju na potrebu odvoza smeća u MZ Brgule, Duboštica, Planinica i drugim naseljima), Demo Kevrić (podsjetio na potrebu postavljanja niša za kontejnere u MZ Striježevo), Elvir Rožajac (skrenuo pažnju na potrebu sanacije određenih stepeništa i prilaza stambenim objektima u gradu) i Općinski načelnik koji je dao pojašnjenja i iznio svoje mišljenje u vezi diskusije vijećnika u raspravi.

Zaključena je rasprava i zamjenik predsjedavajućeg OV stavio je na izjašnjavanje Izveštaj o provođenju Odluke o komunalnom redu općine Vareš u 2017. godini.

Nakon izjašnjavanja vijećnika zamjenik predsjedavajućeg OV konstatuje da je **jednoglasno (sa 17 glasova „ZA“)** **glasa usvojen**

Izveštaj o provođenju Odluke o komunalnom redu općine Vareš u 2017. godini.

Ad.8.

(Informacija o projektima obnove stambenih objekata na području općine Vareš u 2017. godini.)

U raspravi je učestvovao vijećnik Kruno Ridić koji je tražio dodatne podatke u vezi ove tačke dnevnog reda.

Zamjenik predsjedavajućeg OV izvijestio je vijećnika Krunu Ridića da sve dodatne informacije može dobiti u nadležnoj službi organa uprave Općine Vareš.

Zaključena je rasprava i zamjenik predsjedavajućeg OV konstatuje uz **Zaključak da je Vijeće primilo k znanju**

Informaciju o projektima obnove stambenih objekata na području općine Vareš u 2017. godini

Ad.9.

(Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.)

Otvorena je rasprava u kojoj su svoje stavove, mišljenja, primjedbe i prijedloge iznijeli vijećnici: Mirnes Ajanović (*predložio je održavanje tematske sjednice u vezi problema nezaposlenosti*), Kruno Ridić, Branko Romić, Safeta Muftić, Elvir Rožajac, Adis Čizmo, Đemo Kevrić, Elvir Rožajac (replika), Đemo Kevrić (replika), Branko Romić (replika), Općinski načelnik Zdravko Marošević, Branko Romić (replika), Općinski načelnik Zdravko Marošević (replika), Mirnes Ajanović i Općinski načelnik Zdravko Maroševčić (replika).

Zamjenik predsjedavajućeg OV pozvao je direktoricu Biroa za zapošljavanje Vareš gosp. Jasnu Svinčicki Operta da se obrati Vijeću.

Gosp. Jasna Svinčicki Operta u svom obraćanju upoznala je prisutne sa aktivnostima Biroa u vezi posredovanja zapošljavanja građana koji se nalaze na evidenciji Biroa. Na kraju svog obraćanja zahvalila se Općinskom načelniku na dobroj saradnji i na datoj prilici mladim da odrade pripravnički staž. O istom je dala pojašnjenje.

Zamjenik predsjedavajućeg OV zaključio je raspravu i u vezi iznesenog prijedloga, o kojem nije bilo izjašnjavanja, za održavanje tematske sjednice izjavio da će se o istom razmatrati na Kolegiju OV.

Zamjenik predsjedavajućeg OV konstatuje **uz Zaključak da je Vijeće primilo k znanju**

Informaciju o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.

(Vijećnica Ilhana Fatić iz opravdanih razloga napustila je današnju sjednicu u 18,35 sati)

Ad.10.

(Informacija o aktivnosti Općinskog načelnika po pitanju izmirenja duga Općine Vareš, a po Rješenju Kantonalnog poreznog ureda Zenica.)

Otvorena je rasprava u kojoj je Općinski načelnik Zdravko Marošević u svom obraćanju upoznao Vijeće da se redovno izmiruju određene zaostale obaveze po pitanju uplate doprinosa. O istom je dao dodatno pojašnjenje.

Zamjenik predsjedavajućeg OV zaključio je raspravu i konstatuje uz **Zaključak da je Vijeće primilo k znanju**

Informaciju o aktivnosti Općinskog načelnika po pitanju izmirenja duga Općine Vareš, a po Rješenju Kantonalnog poreznog ureda Zenica.

Ad.11.

(Informacija o provođenju Strategije razvoja poljoprivredne proizvodnje na području općine Vareš za period 2014-2018. godine, za 2017. godinu.)

Otvorena je rasprava u kojoj su svoje stavove, mišljenja i pitanja iznijeli vijećnici: Mirnes Ajanović, Elvir Rožajac, Dženan Džafo, Đemo Kevrić i Općinski načelnik Zdravko Marošević koji je u svom obraćanju izjavio da se samo terenskim radom nadležnih službi može doći do određenih podataka i stvarnog stanja poljoprivrede na našoj općini i na osnovu tih saznanja pružiti adekvatna pomoć.

Zamjenik predsjedavajućeg OV zaključio je raspravu i dao preporuku nadležnim u organu uprave da pristupe izradi nove Strategije razvoja poljoprivredne proizvodnje na području općine Vareš, s obzirom da u ovoj godini ističe period sadašnje Strategije.

Zamjenik predsjedavajućeg OV uz **Zaključak konstatuje da je Vijeće primilo k znanju**

Informaciju o provođenju Strategije razvoja poljoprivredne proizvodnje na području općine Vareš za period 2014-2018. godine, za 2017. godinu

(Vijećnik Mario Mirčić iz opravdanih razloga napustio je današnju sjednicu u 19,50 sati)

Ad.12.

(Informacija o provođenju Strategije razvoja i unapređenja socijalne zaštite općine Vareš za period 2014-2017. godina, za 2017. godinu.)

Otvorena je rasprava u kojoj su učestvovali vijećnici Elvir Rožajac, Adis Čizmo i Općinski načelnik Zdravko Marošević koji je iznio svoje mišljenje stanja socijalne zaštite na području naše općine.

Zamjenik predsjedavajućeg OV zaključio je raspravu i dao preporuku nadležnim u organu uprave da pristupe izradi nove Strategije razvoja i unapređenja socijalne zaštite općine Vareš, za period 2018-2022. godina.

Ad.13

(Tekuća pitanja)

Predsjedavajući OV upoznao je Vijeće sa pristiglom poštom i to:

1. Dopis-Prijedlog za donošenje Odluke (Odluka o bezbjednosti saobraćaja na cestama) dostavljen od Policijske uprave Vareš broj: 08-14/13-2-02-1-304/18 od 12.02.2018. godine.

Dopis je proslijeđen nadležnoj službi na daljnje postupanje.

Općinski načelnik u svom obraćanju izjavio je da je obavio razgovor sa komandrom PU Vareš u vezi rješenja koji su mogući za poboljšanje većeg kapaciteta parking prostora i da će se krenuti u proceduru izrade nove odluke.

Općinski načelnik dotakao se i problema pasa lualica u gradu zbog kojih građani imaju dosta problema i primjedbi u vezi istih.

U vezi s tim zatražio je da **Vijeće načelno da suglasnost Općinskom načelniku da se krene u iznalaženje prostora zemljišta (gdje je moguće i primjereno) da se izgradi azil za pse lualice sa određenim kapacitetom.**

O istom je dao pojašnjenje.

Zamjenik predsjedavajućeg OV na osnovu prijedloga Općinskog načelnika stavio je na izjašnjavanje sljedeći:

Zaključak

- **Vijeće u načelu podržava inicijativu Općinskog načelnika za pokretanje potrebne zakonske procedure za izgradnju azila za pse lualice.**

Nakon izjašnjavanja vijećnika zamjenik predsjedavajućeg OV konstatuje da je **jednoglasno (sa 15 glasova „ZA“) usvojen predloženi Zaključak.**

2. Dopis-Zaključci sa nastavka 54. sjednice Skupštine ZDK Kantona broj: 01-02-1649-1/18 od 01.02.2018. godine koji se odnose na redovno dostavljanje godišnjih izvještaja Monitoring timu za praćenje realizacije Strategije kulturne politike ZDK za period 2014-2020. godina.

Dopis je proslijeđen nadležnoj službi na daljnje postupanje.

3. Informacija o zaključku Upravnog odbora Doma zdravlja Vareš, donesenog na sjednici UO 06.02.2018. godine broj: 19-03-170/18 od 06.02.2018. godine.
4. Molba za dodjelu zemljišta na korištenje i raspolaganje u vlasništvu Općine Vareš, broj: 20/2018 od 30.01.2018. godine, dostavljena od Udruženja odreda izviđača Zvijezda Vareš.

Dopis je proslijeđen nadležnoj službi na daljnje postupanje.

Općinski načelnik u svom obraćanju izjavio je da podržava molbu i da je dao zadatak da se krene u početnu proceduru (određivanje odgovarajućeg zemljišta, izrade projektne dokumentacije i dr.) kako bi se stekli preduvjeti za apliciranje projekta u svrhu dobivanja dodatnih sredstava za izgradnju doma.

5. Predstavka dijela građana MZ Dragovići naseljeno mjesto Mijakovići od 20.02.2018. godine.

Zamjenik predsjedavajućeg OV izvijestio je Vijeće da je Kolegij OV upoznat sa istom i da je predstavka prosljeđena nadležnoj službi na očitovanje, te da je nadležna služba po istoj dostavila očitovanje broj: 02/2-142/18 od 21.02.2018. godine, o kojem je poznato OV.

U vezi s tim zamjenik predsjedavajućeg OV je predložio i stavio na izjašnjanje sljedeći

Zaključak:

- **Vijeće prihvata očitovanje Službe za opću upravu, društvene djelatnosti i boračko-invalidsku zaštitu broj: 02/2-142/18 od 21.02.2018. godine. Zadužuje se nadležna Služba da o istom obavijesti podnosiocima predstavke.**

Nakon izjašnjanja vijećnika zamjenik predsjedavajućeg OV konstatuje da je **jednoglasno (sa 15 glasova „ZA“) usvojen predloženi Zaključak.**

Općinski načelnik javio se za riječ i u svom obraćanju iznio mišljenje u vezi rada mjesnih zajednica, te izjavo da je zadovoljan sa suradnjom i radom mjesne zajednice Dragovići.

6. Vijećnica Safeta Muftić, u skladu sa aktima Vijeća, predložila je da OV donese sljedeći:

Zaključak:

- **Da Općinsko vijeće zatraži od Skupština javnih preduzeća i Upravnih odbora javnih ustanova informaciju o visinama naknada koje se isplaćuju članovima organa upravljanja u javnim preduzećima i javnim ustanovama čiji je osnivač Općina Vareš.**

Zamjenik predsjedavajućeg OV stavio je na izjašnjanje predloženi Zaključak.

Nakon izjašnjanja vijećnika konstatuje da je **jednoglasno (sa 15 glasova „ZA“) usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 20,20 sati.

SEKRETAR

Leon Pavlović

ZAPISNIČAR

Azra Pijadžer

**ZAMJENIK
PREDSJEDAVALA
OPĆINSKOG VIJEĆA**

Nikola Šimić